


Diferente grupo cu consehero haciendo trabou gratuitamente pa scapa e kerki mas bieu di Aruba



ORANJESTAD(AAN):--

Gobierno y departamento di monumento ta concentraando basta rond di Binnenhof tambe. Nan tabata tin hopi luna trahando cu e comision. Ta trahando riba e kerki protestant chikito cu tin. E departamento di monument a haya ok pa traha riba e pintamento. Kerki tin un parti di placa pa drecha edificio pero ainda nan falta. Lo cuminsa acerca comunidad tambe pa contribui cu cierto subsidio. Ta papia di rescata e kerki mas bieu cu tin actualmente na Aruba. E lo costa basta placa pasobra su situacion ta hopi malo. Mester bai baha e dak completo. A haya e grato noticia for di gobierno cu a dicidi den conseho di minister tambe cu nan ta haya e panchinan di zoutmanstraat. E panchinan di corte lo wordo usa pa Zoutmanstraat. Tur e panchinan ta warda segun e directora di departamento di monumento Ivonne Webb Kock. Ivonne Webb Kock directora di e departamento di Monumento a splica cu e Kerki protestant ta un monumento. Nan tin cinco luna bezig cu e proyecto aki. Ta hopi trabou a wordo haci riba e estructura di e edificio. E parti tecnico di e construccion tambe a wordo analiza. Mester a mira te con leu mester a bai cu e restauracion. Nan a bai den nan archivo pa mira e potretan bieu. E Dominee tambe a bai Hulanda pa mira si por haya mas placa. E ta costa placa y aunke nan tin fondo tog mester mas. E mapanan ta 90% cla caba despues di cinco luna di trabou duro. Tecnicamente e cosnan ta cla y falta e destaho. Ningun hende por drecha e edificio pasobra e ta un riesgo. E dak por cay den otro na e kerki cualkier momento cu un mal tempo. E trabounan di renovacion por bira te hasta 8 luna pa pone e edificio bek manera mester ta. Tin diferente grupo cu consehero haciendo trabou gratuitamente pa scapa e kerki mas bieu di Aruba.